

周易發例

周易識蒙

通數初成或咎余不當以先天後天分体用或謂易固興於中
古昔未嘗廢或謂易道圓通不當以例括之應之曰先天後天
誠自各有体用但二者對言則先天當為体後天當為用矣大
率天地之間有對待斯有流行先天卦位主於對待而以起子
終亥列二氣之消長是以謂之体也後天卦位主於流行而以
起寅終正著萬化之生成是以謂之用也体中有用用中有体
是二者亦未嘗有所偏廢也如記曰樂由內出禮自外作豈謂
禮果在外哉言固各有當也大傳曰易之興也其於中古乎夫
子之意固未易窺測予謂言其興則昔之廢可知此語亦不可
不深玩也天下之理有廢斯有興有晦斯有明不有廢也何以

興言哉。昔者包犧畫易、始乾終坤、六十二卦皆包於乾坤之內。至其列之卦位、則乾坤定於上下、而震巽坎離艮兌各以其偶對列。凡此皆天地不易之道。迨至三代、各以作用推易。夏曰連山、以艮為首。殷曰歸藏、以坤為首。其於包犧之易、寔以殊矣。獨文王祖包犧、復以乾坤為首。故上經首乾坤、以明天地定位。下經首咸恒、以明山澤通氣。雷風相薄、上經終坎離、下經終既濟未濟、以明水火不相射。一以包犧之法、網維於六十四卦之間。故夫子不傳復殷之易。獨傳周易者、此故教以也。第古事遙邈、難於明言。故曰雖其詳不可考。意蓋可推矣。亦殆有微辭焉。覽者或未察也。古者入國必問禁、入鄉必問俗。未有入易而求

易之凡例也。如不欲讀易則已。讀易而不知凡例之所在。猶未讀也。難者曰。讀經必有例乎。曰。唯。易與春秋不可無例。繫辭傳說卦傳。即夫子之發例也。夫子刪詩定書。皆不立傳。獨傳易者。知凡例之不可以已也。春秋夫子自作。故不自傳也。但繫辭傳說卦傳。畧舉宏綱。不及細碎。吾所謂例云者。辭義細碎之間而已。中人以上。淵識沉潛。固無以吾之書為中人以下。則吾之書有助矣。故吾之書非非為易設。為讀易者設也。凡或者之言。固自其所見。然予亦幸其致疑。故備著其論。如此世豈無人。必有同予之見者。屠維單閼良月吉日書。

周易發例卷上

余嘗竊譬箋易當如畫家寫照六十四卦之義三百六十四爻之情正邪險易利害攻取猶之老少妍蚩意態情性各隨其人不但位真耳目口鼻而已後世明智之士類喜談易現其筆力馳騁上旁下礪可謂健矣然未免自以意位置故雖極天下之至工而其人則不似也似不似未暇論或真口於鼻易耳以目則又不復為人矣凡掩奪時義悖亂上下象外生事占外生說者皆顛倒耳目口鼻之類也易以德位時義為重有此德當此位適此時行此義處已治人之道趨吉避凶之機差之毫厘繆且千里如其象失真厯理任意當貞反動當承反應聽其說

雖美考諸事實乖是又如比五音而強目以聰盛八珍而責鼻以食其不至賊人之性也幾希予為此惧每以為讀易之法當先推卦義以求六爻之情情有難通則參以象象有難通則參以位位復難通則參以三百六十四爻之例例明而聖人之意十得其五六矣朱子嘗言上古之書莫大於易中古之書莫大於春秋竊謂易有吉凶即春秋之有刑德也易以吉凶寓於三百六十四爻之行事春秋以刑德寓於二百四十二年之行事是故讀二書者皆宜究聖人命辭之例易例圖通方能深明其意然後知圖通之中極為謹嚴與春秋等今學春秋者必求春秋之凡例獨易之例乃置而不講上者鑒理下者鑒象精粗不

同其鑒均也凡例既明場乃可窺作發例

剛為君為夫為元夫為士夫為老夫為金夫為夫子為丈夫為

祖為子為君子

並陽類

為貴為大為碩為實為富為牝為显為

右用為東隣

陽方

為虎為玉為金為金杞為黃牛之革為資斧

並剛象

為角

到而上

為輪

既濟初九到動在下

為生為章

陽之文

柔為民為妻為女妻為婦為婦人為老婦為女子為妣為母為

妾為臣妾為小人

並陰類

為賤為小為虛為牝為冥為左

不用事

為西隣

陰方

為豹

威之小者

為萑藟

柔

為鞶帶

義兼下體

為須為鮒為魚

為苞桑

並柔而

為豕為羸豕為豚魚

並陰畜

為牛

大畜無妄

為

霜為冰為鬼為血為否

陰塞陽初六

為沛

柔暗

為詖

陰暗

為迷為密

陽疏

陰密故兌為月幾望陰升在上為暮夜為譽陰主為瓜柔而

乾為涉川律為虎剛為玄為龍為與九家已見

坤為牝馬配乾而為國為家為侯為邑為虛邑並有土之象又已

為師為戰為征為侵伐並坤衆之象為蕃庶坤為為十

朋為十年地之為大牲牛為晦陰為禴夏祭曰禴為司夏秋

黃為方已見為與九家

震為侯注為鳴為亨帝祭主為涉川為振為大作並

動為耕獲為畱並震為毒雷之為遺音有為盤桓陽初

為不死初陽其究也為凶事震動

巽為涉川木為棟為杞為桷並木為命從為甲為庚甲非巽也

故取甲庚非巽也為大號命為浚入為廟巽為木為高為翰

音為禴巽司春夏之交為繻繻為牀下卦有為盥而不薦巽繫

見為爽九家

坎為膏為濡為寒泉為淵為井為涉川並水象又陰為心內為

牖穴通為明內為穴陷為汙內出為泣血漣如卦為林中為

通並隱伏為巷坎為宮為株木為幽谷並坎為室惕為心

惻並加為刑人為徽纆並坎為勞卦為隼為小狐坎為

狐下為筮為鬼為享祀坎德尚卦為酒食為飲酒為食並中

為寇為鬼方難為難生為律為狐已見為爽九家

離為光未濟為章豐九為晝日為日昃離明為日中見沫為日

六五為章豐九為晝日為日昃離明為日中見沫為日

中見斗並失為焚為飛雉之為弧為矢為伐既濟未濟為出征為

征伐為南狩為伏戎並為為孕中有為缶中虛又虛而上

為禴為司為見目為頤卦有為龜外為為死如燥能死物為

家九

艮為童為童牛為童僕並少為宮人闕為背動者為石物之

為光艮陽見於上現似為丘為丘園為九陵並山為敦艮實為

擊手為禦寇止為養止為牯為牙止為廬卦有為獷豕止

為鼫鼠艮為鼻為虎已

兌為雨為密雲不雨為水為河為涉過為決失為濡為塗失為

沱並澤為渥為歌為憂為嗟為戚嗟為齋咨為不燕並兌

變說為泣中為出涕為涕洟又說之變也為剝正秋之象為橈為跛

為眇為劓為劓刖為羸瓶為敝漏為折足並毀為用享升隨為

祭祀為巫史並兌為為妹為姊並女象為頰舌為號為噬並兌

為鶴在澤為戎夫為征伐並秋殺為虎變為豹變兌而

內卦又曰為內為初蒙初並謂為行人為野為易並在外為荒在遠

為南卦以上為習重卦

初爻為潛為趾為拇為臀為足為履為屨為牀足為干為弟為

遐為徒為籍為摧如並下象為尾在後為子為小子位卑為元夫位陽

為不終初為本卦

二爻為黃為中並中象為中饋在內得中為腓為股為牀辨並下体為

坦坦為機為休

復六二並得中而安

為磐

位為幽人守中

為愁如

中

為王臣為赤紱為好爵

並得位之正

為在田

地之位

為在陰為莽

居陰

為輿

初

為子為梯

並在

三爻為章

坤六三

為吳為羞

過為中行

為中行

三本非中蓋六三言中行者以其處全卦之中

也

於此亦可見

為頰為角

內卦之上

又為股

為限

為限

下體

為高

陵為陸

而高下

為墉為藩

內介乎外

為頰

好動

為公為或從王事

接位

卦為三就

居為有終

下卦

四爻為躍

上升為心

為淵為部

位為賓

為輿

乘為中行

為中行

益六四象

與六

為臂

以三畫之卦言

五爻為王

為君為公

為天為天位

為帝位

為王庭

為王居

為主

為朱紱並居尊位為君子凡非剛又者而稱君子者唯解未濟也為六五為然蓋以其居尊而有中德也為

飛升為中為大中為中行為黃為甘並得中為陵為華並在為

章為夫子並位陽為威尊為腰為輔為耳並上為休否六五得中而安

為東帛五之

上爻為亢為窮為吝並過中為公為威高為不事王侯高不為天

為天衢為達勢為首為耳為項為頰舌為背並上為體之上但

兼艮為城為高墉在外為屋為巢為角並在上又為卦為妻並位陰困六三不為傾則卦窮為末終

見其妻指上六也

未詳 覽陸 三百戶 三日 三年 三歲

王三錫命 三狐 三品

凡象有以剝柔取象、有以八卦取象、有以六位取象、有以卦內
外取象、有以卦體取象、有以比爻取象、有以應爻取象、有以
爻位之遠近取象、有以爻之性質取象、有以爻之情偽取象、
有以卦氣取象、有以卦方位取象、有以卦變取象、有以卦名
義取象、有以反對取象、有以前卦取象、有以互體取象、有因
象取象、凡取象不一、未嘗拘、亦未嘗紊也。剝柔八卦六位卦
內外取象已具列如上。他如剝象牀、大過象棟桡噬嗑象用
獄、中孚象舟虛外實內虛而為頤、上耳中腹下足而為鼎。若
此類者、以卦體取也。同人初九以比六二而曰同人于門、大
畜九三以比九二而曰日閑輿衛、師以九二為長子、則六三

為弟子。若此者，以比爻取也。師六五以得應為田，有禽，始九四以失應為包，無魚。屯六四之婚媾，蹇九五之朋來。若此類者，以應爻取也。以爻之遠近取者，需九三以迫於坎而致寇，遯上九以遠於艮而肥遯是也。以爻之性質取者，噬嗑六二中正而柔為臯，賁六二附順而柔為須是也。以爻之情偽取者，履九二以守正而曰幽人，否六三以害正而曰包羞是也。卦氣取象，臨八月有凶是也。卦方位取象，西南東北，西郊南狩是也。卦變取象，損曰三人行，則損一人，渙曰渙其群是也。卦名義取象，賁之皤，大過之枯，坎之枕，漸之鴻是也。槩而言之，六十四卦皆然，不勝舉也。反對取象，如坤與乾而上六言之。

龍戰明夷與晉反而上六言初登于天是也震承鼎後而曰
不喪匕鬯此以前卦取象也泰有兌而言馮河謙有坎而言
涉川此以互体取象也需以坎水而言沙言坭豐以離日而
言斗言沫此因象取象也然雲雨坎也小畜小過無坎而曰
雲者實取象於兌虎艮也履華無艮而言虎者實取象於剝
剝上九以乘坤而曰輿大壯九四以前進而亦曰郊故曰未
嘗拘亦未嘗素也按朱子易象說曰乾之為馬坤之為牛說
卦有明文矣至於按文索卦若屯之有馬而无乾離之有牛
而無坤乾之六龍則或疑於震坤之牝馬則當反而乾是皆
不可曉者朱子偶未詳也乾固為馬然震於馬也為善鳴坎

於馬也為美脊說卦固亦有明文矣屯合震坎而成者也其有馬何疑焉荀爽九家於說卦謂离為牝牛朱子已載之本義离本坤出而外剝內柔中虛有容牝牛之象也坤亦言馬似非其類然不謂之馬而謂之牝馬則固乾之配也况彖傳明言牝馬地類耶獨震為龍乃於乾言龍者昔者周公尊乾異於他卦乾天道也君道也天下之物其屈信舒斂同陽之運灵变溥博佐天之功者唯龍為然故周公特取以象乾它卦皆不足以當之獨震乃乾長男二陰一陽有動物處重淵之象故孔子本周公之旨謂震為龍而見於說卦也乾言龍像其德震言龍像其畫後之說者不可以說卦以震為龍反

據傳以疑經也。有如此意，當自默識心會，非言語所能盡到。先儒大率尚辭，故於尚象一節，不復深考也。又案禮記：「龍楯龍尾，惟皆君得用之，以龍象君，從古然矣。」

凡象有正象、有蘊象。履六三以柔居陽，才柔而志剛，故曰「眇能視，跛能履」。此正象也。義之所立也。兌為毀而居下體之上，故以眇視言。兌為折而在上體之下，故以跛履言。此蘊象也。義之所附也。又大過四剛二柔，中過重而本末弱，而取棟桷之象。象之正也。大過下巽，巽為長，為木，棟之象。上兌，兌為毀折。桷之象。象之蘊也。不主正象，無以知易之本義。不參蘊象，無以知易之旁行。王輔嗣曰：「義苟應健，何必乾乃為馬？爻苟合。」

順何必坤乃為牛此說非也如此則聖人立象幾於贅矣當如窮理狀意非象不尽推事玩占非象不該易乃理氣象數合而成書苟缺其一則非易矣

凡爻來於本位曰來復來復離九四蹇初六九三六四上六自彼至者亦曰來需上六比初六困九二九四震六二豐六五蹇九五招之使至亦曰來兌六三自此至彼曰往屯六三六四大有九二無妄初九六二大畜九三咸九三遯初六晉六五睽六五上九損初九上九夬卦辭夬初九始初六萃初六六二小過九四豐初九六二進而有為亦曰往坤屯復剝無妄大過坎恒萃卦辭蒙初六履初九蠱六四蹇初六九三六

四上六避而不就亦曰徃明夷初九有所徃曰徃諸爻皆以
前進為徃独歸妹卦辭以六三自上來下為徃有所攻討亦
曰徃歸於本位曰反曰復蹇九三訟九四自本位而徃亦曰
復履初九復自道九二率復者上復也泰九三無徃不復
者坤下復也同体曰宗同志曰咸臨同類曰群曰與曰朋相
應者亦曰與曰朋自上求下曰顛反下就上亦曰顛鼎上得
下曰得臣下得上曰得友上見下曰用見下見上曰利見上
謂下曰宗曰夷生下謂上曰主曰配主自上而下曰旋自下
而上曰突自我而致曰由頤豫導其從已曰引萃兌開之使
明曰發蒙下坎豐下離坎內明離外明也容而不露曰包因

勢曰至臨六四審時曰知臨六五無援曰無交不交曰不覿
怨耦曰仇匹已曰敵取之易曰取取之難曰克善者曰嘉隨
九五處之盡善亦曰嘉遯九五出於遼然曰或非其當然曰
它相援為援相救為拯相奉為承相承為藉相得為係相感
為鳴相及為遇相從為牽相依為連相惡為擊相賊為戕不
相得為寇不相容為弃同體為牽異體為交剝求柔為婚媾
柔配剝為歸凡剝詭乎柔為剝兌九五遠乎柔為肥陷乎柔
為泥震九四係乎柔為疾遯九三不為柔詭為不疚陰氣受
散為億喪具陰氣不散為億無喪不得陽為不富不得陰為
無血承陽而有得為田獲三品為飲食衎衎得民為有魚失

民為無魚、得應為田、有禽、失應為田、無禽、應非其人、為匪人、人非其應、為惡人、往而無應、為即鹿、無虞、行而失比、為婦喪其茀、它又無應、已獨有應、為獨復、六四、夬九三、守其正、應為食舊德、欲應而隔、為不字、不孕、方來者遲也、方雨亦遲也、其行次且者、情有所係也、同人于門、出門交有功者、近而相際也、不出戶庭、不出門庭者、近而不相際也、能載為車、為進、與其進而乘之、為得輿、安而不動者、為石、在下而剄動者、為輪、剄而拒物者、為金車、危而乘剄者、為艱脆、柔而上承者、為缶、比初六、坎六四、中虛者、亦為缶、離九三、承於下、為筐、壓於上、為枕、已所私治為邑、已所私比為隣、中正而柔為鼻、柔而

易入為肉、剝而難入為腊、為睇、仰視為眄、閃視為闕、下視而
專為眈眈、淺者為膚、噬嗑近者亦為膚、剝睽陰虛為疾、損六
四相害者亦為疾、無妄九五相係而受損亦為疾、兌九四遊
九三、巽九二、得位為次、失次為旅于處、失位不安為臂、無膚
意有所緩為裕、情有所樂為甘、得天助者為有命、有福、得人
助者為有慶、有喜、以上多以應比及爻性質情偽取象、

凡卦變往於外而往來於內為來、賁解兼言往來、訟剝來而得
中、隨剝來而下柔、無妄剝自外來、蹇往得中也、漸往有功也
渙剝來而不窮、凡此皆以卦變言往來、謂其爻變為某爻也
泰否亦言往來、例與此同、但二卦純乾純坤、不得謂之卦變、

其曰往來云者止以陰陽升降之分言之耳凡又言往來來之皆謂往來來之乎其間非卦變也卦變取象凡七訟九二歸而逋自乾來隨初九官有渝自乾來損六三三人行則損一人自坤來損上九得臣無家指六三自坤來益六四利用為依遷國自坤往渙九三渙奔其機自乾來渙六四渙其群自坤往

凡言利涉大川者皆言乾震巽坎也卦無乾震巽坎則互体必有也蓋坎為水巽為木皆有涉川之象乾健克濟震動能涉故亦利涉川巽坎以象乾震以才或疑乾不當言涉川不思同人彖傳所釋明甚此凡例所以不可廢也

凡言行師用師皆坤也卦無坤不言師爻非坤之極不言師蓋積柔為衆積陰主殺其勢然也師坎為將而坤為師豫利行師泰上六勿用師謙上六利用行師復上六用行師凡彖辭言師與象辭言師義各不同彖統論一卦之體非如爻之有對待也師以九二為主豫以九四為主而五柔宗之柔統於剛剛柔相和故於彖辭言之謂卦之才可以行師也至於爻則有對待矣泰上六以陰犯陽故戒以勿用師復上六亦陰犯陽故曰用行師謙陰盛陽消故上六利用行師但剛能謙止而柔化之是以止於征其邑國而已揔言一卦之才唯剛柔則可行師專言一爻之才唯剛柔不和則有師其辨也

凡爻言禴者皆巽离坤之中爻也禴夏祭也离司南主夏巽東
南主春夏之交坤西南主夏秋之交皆以卦時取之也春禘
夏禴秋烝冬嘗皆為時祭爻獨言禴者四時之祭唯夏不能
備物礼貴備物不能備者亦有時而利用是以獨言禴也

蠱言甲巽言庚皆謂巽也蠱為初巽繼体以初命為重故有取
於甲甲者數之首也巽為重巽申命以後命為當故有取於
庚庚者數之變也此本建安蔡氏說但蠱巽在下出命非人
臣之事故不可言於爻而於卦見之重巽以九五為主出命
者人主之事故特於五言之

凡卦言筮皆謂坎也坎德尚幽而內明有求通於神明之象故

為筮蒙曰初筮告以剝中也。比曰原筮元永貞無咎以剝中也。皆以坎德坎位釋之。所以別其為坎也。初初也。蒙九二當初。盡之坎。故曰初原。再也。此九五當重卦之坎。故曰原。凡爻言酒食皆坎也。坎為水而中實酒食之象。漸六二曰飲食衎衎者互坎也。未濟上九曰有孚于飲酒者應坎也。

凡爻言矢皆離也。離剝在外。矢銳在末而及外也。旅六五離體曰射雉一矢亡者爻柔也。噬嗑九四專取其剝。故曰得金矢。解九二兼取其中。故曰得黃矢。互離象之不苟蓋如此。凡光發於中與上也。離之光在中。艮之光在上。故傳於初爻不言光亦不言未光。

凡言童皆指艮也。蒙童、蒙犬、畜童、牛、旅童僕皆艮也。觀無艮卦，全体似艮，故初六言童觀。

凡爻言羊皆指兌也。夬牽羊、婦妹剝羊皆兌也。大壯無兌卦，全体似兌，故九三六五皆言羊。

凡爻言雨皆兌也。小畜上九既雨既處，卦惟六四一柔，互體成兌，四上同力下畜三剛，故兌闕而為雨也。夬九三獨行遇雨，睽上九往遇雨者，應兌也。睽九三和於六五，故曰方雨虧悔者，互兌也。

凡言雨者，陰陽和也。既雨者，已和也。方雨者，將和也。密雲不雨者，陰特盛而陽不和也。小畜陰制陽，小過陰害陽，皆陰陽不

和之卦

凡言密雲不雨自我西郊者皆互兌之升而在上者也雲在屬坎但兌雖陰水陰盛上蒸亦能為雲故凡言密雲者必陰盛偕陽之卦也

凡爻言眇跛皆兌也歸妹初九曰跛能履九二曰眇能視下者為履上者為視此象之正例也履六三以居下體之上而仰窺乎前故曰眇能視以在上體之下而欲躡乎上故曰跛能履經之取象於此可見其變例焉

凡言和皆兌也兌初九和兌咸彖傳曰聖人感人心而天下和平矣彖傳曰決而和大傳曰履和而至皆兌德也

凡言大人者皆指九五九二也。到居中正有德有位故曰大人。乾九二九五訟蹇萃巽九五升困九二是也。獨否六二曰包承小人吉大人否亨。小人指六二大人乃假設之辭謂包承其君在小人則吉若大人則不為此也。例與遯九四同曰好遯君子吉正指九四。繼之曰小人否則設戒之辭也。其曰利見大人者謂天下願見大德之君也。以下見上故尊其辭曰利。如乾訟蹇萃巽之九五也是也。獨乾元九二亦曰利見大人者乾君道也。二雖非君願見大德之臣也。以上見下故別其辭而曰用升六五應九二是也。

凡言大君大中大明者皆柔也。柔為剝主故曰大君履六三臨

六五師上六此本建安蔡氏說柔居陽位故曰大中大明謂其以小任大而大之也

凡言大人大師大車大輿大覲大蹇大事大國皆指剛大而大之也坤為師為國同人無坤而有衆剛故九五以大師別之未濟亦無坤故九四特以大國別之所以明其非坤也他如大川大首大亨大耄大敗大難大光大牲大號大作大有得則唯以事之大用之大言之猶所謂大亨大吉无咎之六云尔

凡爻言武人者二履六三巽初六皆以柔居陽動而用事為一卦之主也陰盛生武故象傳釋六三為志剛初六為志治

凡爻言幽人者二履九二歸妹九二皆以剛居陰靜不用事退守內卦之中也履歸妹皆以柔乘剛剛處內而失用故退以靜固為志也

凡爻言鳴皆感之於陽也謙以九三為主六二上六之鳴蓋感之於九三也豫以九四為主初六之鳴蓋感之於九四也至中孚九二曰鳴鶴在陰其子和之則不取陰陽相感之象而以母子同氣言之蓋以比於初九故也鳴者本以象陰陽相感中孚以陽感陽若槩謂之鳴則幾於無別故繼以其子和之以見同氣相感與謙豫之鳴異也象之精密蓋如此又震為鳴豫上卦為震謙中孚皆有互震

凡爻言災多得之於陰也。需九三曰災在外也者。謂六四也。剝六四曰切近災也。復上六曰有災眚。皆陰災也。無妄六三曰無妄之災。上六曰窮之災也。皆剝之餘災也。大畜初九曰不犯災也者。謂不犯六四也。旅初六曰斯其所取災。小過上六曰是謂災眚。大率災由陰生。陰得時則為陽之災。失時則自灾其身也。

凡爻言月幾望者三。小畜上九。歸妹六五。中孚六四。皆以上卦言之也。陰升於上。月之象也。幾近也。不曰望而曰幾望者。月所以配陽。小畜巽配乾。歸妹六五。歸六三。以配九二。中孚六四。配九五。言望則已。故言幾望。則將啟為陽告也。幾音祁。子

夏傳云近也。又史記正義幾音機。庶幾也。又音祁。近也。又音記。冀望也。又音紀。錄也。以正義參之音。祁為當。

凡爻言富以其隣者一。言不富以其隣者二。陽主富。凡言富者陰得陽也。又以上兼下也。皆屬上卦。小畜九五與六四同力下畜三。剝故曰富以其隣。言九五所以富者用其隣之力也。泰六四三柔同黨不與剝合。謙九三止於下而不往。六五不得九三而與六四上六同志。故曰不富以其隣。言不得陽之富。但用其隣之力也。以爻之情推之。以其隣雖同而志則異。小畜九五志在得陽。泰六四志不在得陽。謙六五欲得陽而不得。陽陰得陽為富。小畜九五雖剝爻而巽體。以巽對乾。巽

固陰也

凡言朋其義有二有以同類為朋者剝從剝柔從柔也如坤西南得朋東北喪朋泰九二朋亡是也有以同志為朋者剝應柔柔應剝也如豫九四一剝而五柔應之為朋盍簪復六四應初九為朋來咸初六應九四為朋從尔思蹇朋來解初六應九四為朋至斯孚是也

凡爻言從皆謂此爻往從彼爻也坤六三訟六三曰或從王事皆從五訟六三曰從上吉也謂從上九比六四曰以從上也謂從九五隨初九曰從正吉也謂從六二復六四曰以從道也謂從初九順六五曰順以從上也謂從上九革上六曰順

以從君也。謂從九五。野初六曰以從貴也。謂從九四。小過九三曰從或戕之。謂從六五。它如隨上六曰乃從維之。蚩為遂事之從。然亦謂五維上也。益六四曰中行告公從。蚩為允從之從。然亦謂五從四也。至若恒六五曰婦人貞吉。從一而終也。夫子制義。從婦凶也。義與往從之從同。但對出之辭。一爻之中。兼取二象。以設戒耳。

凡爻言黃皆二五也。黃裳、黃金、離黃矢、黃耳。並取中義。它如坤上六言黃者。取象於地。革初九言黃牛之革者。取象於膚之剛。非謂其色也。

凡爻言墉言城皆謂三上也。三在內而高。為內卦之護。上在外

而高為外卦之護故皆為城墉之象

凡言簋者謂偶數也在禮陳簋必偶坎六四曰簋二取陰數也損曰二簋可用享取初九九二二爻合而為偶也

凡爻言魚潛而善潰者也鹿駭而善奔者也皆民象也然有上下之分焉又魚為在下小人剥六五貫魚謂制小人而不使之縱亂也

凡爻言譽者皆柔居陽之爻也言無譽者皆柔居陰之爻也大過九五無譽實指上六譽本虛也而假實以行柔託於陽故有譽譽者成事之至淺者也

凡言勿恤者置而勿慮之辭也釋文云恤憂也故說者以勿恤

為勿憂、然憂字未盡恤義、恤雖與憂近、然義兼顧慮、其在泰
曰勿恤其孚、晉曰失得勿恤、家人曰王假有家、勿恤吉、夬曰
莫夜有戎、勿恤、萃曰勿恤、往無咎、升曰勿恤、南征吉、至豐則
異其辭曰勿憂、宜日中、言勿恤者六、言勿憂者一、知其義例
為不同矣、

凡貞、先儒言正而固也、案傳文釋貞、皆謂之正、不謂之固、然乾
文言曰、貞者、事之幹也、則貞有固之意、損九二曰貞吉、征凶、
革九三曰征凶、貞厲、以貞對征、則貞者固也、蓋貞以理言、為
正、以事言、為固、以德言、為正且固、義各隨其所主、不可拘、亦
不可紊也、經言貞吉、有行正而吉者、義主於正、有守正而吉

者、義主於固、有從正而吉者、謂以此爻從彼爻、隨初九是也、
有得正而吉者、或處之正、或處之固、言貞厲有四、有以此為
正、乃厲之道者、有正而厲者、有虽正而厲者、有以固而厲者、
言貞吝、貞凶、義亦同、小畜上九既雨既處、尚德載、婦貞厲、晉
九四晉如鼫鼠、貞厲、旅九三旅焚其次、喪其童僕、貞厲、若此
類者、謂以此為正、則厲也、以此為正者、皆執一以賊道、自以
為正、不知其害正也、小畜上九以巽畜乾、自以為得小畜之
正、不知其非婦道之正也、晉九四之進、自以為得晉之正、不
知晉乃柔得用之時、晉固當進、在剝則不可以進為正也、旅
九三處旅而用剝、自以為得剝之正、不知其非旅之正也、訟

六三食舊德貞厲終吉履九五夬履貞厲若此類者正而厲也、大壯九三小人用壯君子用罔貞厲若此類者、雖正亦厲也、正而厲與雖正亦厲固無以異、然語意歸宿微有不同、革九三征凶貞厲若此類者謂固而不往則厲也、言利貞義有三、有利於正者、利於正亦有二義、有慮其不正而戒之者、允利貞是也、有以其能正而與之者、漸利貞是也、家人利女貞亦同、有利於固者、恒利貞戒於固、有利於正道者、大畜大壯皆利於君子之正道、利永貞者、利在固守此之正也、可貞者義本非正而時位適然、亦可以此為正也、義主於正、居貞者居於正以待事也、安貞者安於正而不妄動也、並兼固義利

艱貞者利在艱難以守其正不可以易處也義主於正勿用
永貞者言當通權達變不可固守其正也兼固義不可貞者
不可直行其正也不可疾貞者不可速正也並主正義利君
子貞者利於君子之正道也不利君子貞者正道不利也它
如利幽人之貞利武人之貞利不息之貞謂正而固得童僕
貞則專主於固也旅初六所見卑下捨九四而事六二可以
言固不可言正如乾元亨利貞義主於固而正自在其中坤
牝馬之貞義兼正固而固之意勝下文安貞吉則正之意勝
屯元亨利貞傳釋之曰大亨貞則以固為義爻辭曰利居貞
傳釋之曰志行正也則兼正義各隨輕重言之

凡言元永貞者君德也比彖辭萃九五言永貞者臣德也坤用六益六二艮初六賁九二小過剝陷於柔六五在前將害二剝易為剝慮故九四曰往厲必戒勿用永貞蓋欲其達節也易言乎變義蓋如此

凡爻言貞吝者皆三上也言艱貞者皆三四也

凡爻言无不利其義有二有謂無所不利者謙六五用行師無不利是也有謂無害者大過九二老夫得其女妻無不利是也凡爻言悔亡無悔辭雖異同而實則異悔亡有所處之位本當有悔處得其道而悔亡者又所處之事本當有悔處得其位而悔亡者又所處之事本當有悔處得其道而悔亡者又所

處之位與事。雖先有悔。終可悔亡者。無悔謂爻不用事。安分守靜。亦可以無悔也。咸九四貞吉悔亡。恒九二悔亡。大壯九四貞吉悔亡。晉六三衆允悔亡。晉六五悔亡。家人初九閑有家。悔亡。位在內而家在外。睽六五悔亡。艮六五艮其輔。言有序。悔亡。巽六四悔亡。兌九二孚兌吉悔亡。位比於柔。宜有悔。下孚同德。故悔亡。未濟九四貞吉悔亡。凡此皆謂所處之位本當有悔。處得其道。故悔亡也。睽初九悔亡。萃九五萃有位。無咎。匪孚。元永貞。悔亡。巽九五貞吉悔亡。渙九二渙奔其机。悔亡。棄上而來。當有悔。得中故悔亡。凡此皆謂所處之事本當有悔。處得其位。故悔亡也。革九四悔亡。其時可革。謂所處之

事本當有悔、處得其道、故悔亡也。節上六苦節貞凶悔亡、謂所處之位與事先當有悔、終當悔亡也。同人上九同人于郊、無悔、復六五敦復無悔、咸九五咸其脢、无悔、大壯六五喪羊于易、無悔、渙六三渙其躬、無悔、未濟六五貞吉、無悔、凡此皆謂靜而不競、可以無悔也。

凡言往者、易辭也。征者、難辭也。喜者、先憂之辭也。

凡一爻而兼言君子小人者、皆對出之辭也。現初六本小人也。曰童觀、小人無咎、君子吝、此爻在現之初、柔之惡尚淺、故以君子望之、意若曰、君子如此則吝矣、戒之也。否六二本小人也。曰包承、小人吉、大人否亨、此爻雖柔而中正、故以大人望

之遯九四本君子也曰好遯君子吉小人否此爻雖剝而居陰故以小人戒之大壯九三本君子也曰小人用壯君子用罔貞厲此爻以剝居陽而不中故有此戒聖人不絕小人之為善深慮君子之為惡意蓋如此

凡剝為君子柔為小人經之正例也大有九三以重剝不中而曰小人弗克遯九四以居陰而曰小人否大壯九三以過剝而曰小人用壯既濟九三亦以重剝而曰小人勿用凡剝爻言小人者因其不中不正設戒也觀初六曰童觀小人無咎君子吝初六柔也而言君子者當觀之初小人之惡未深故爻辭並出此義以示戒冀小人之為君子也謙初六曰君子

用涉大川吉。革上六曰：君子豹變，未濟六五曰：君子之光。凡此皆謂柔善之君子。解六五曰：君子維有解吉，有孚于小人，則以在上為君子，在下為小人。四者爻之變例也。

凡剝為夫，柔為婦。經之正例也。然小畜上九剝也，而謂之婦，以其出於巽也。歸妹初九亦剝也，而謂之姝，以其出於兌而卑也。歸妹上六柔也，而謂之士，以其出於震也。此以卦之陰陽言夫婦也。睽九四剝也，而遇元夫，以其位於陰也。困六三柔也，而不見其妻，以其位於陽也。此以位之陰陽言夫婦也。經之變例可以類推焉。

凡剝為大，柔為小。經之正例也。或柔居陽位而得用，則從而大。

之大有六五大中晉六五大明是也或剝居陰位而失用則
從而小之未濟九二小狐汔濟是也此變例也

凡乾不當師故同人九五以大師別之坤不當言馬故以牝馬
別之離不當言國故未濟九四以大國別之陰不當言君故
履六三師上六臨六五以大君別之皆變例也

周易發例卷下

乾德為健為剛健坤德為順為柔順其究也為卑而上行震德為動其初也為剛柔始交巽德為巽坎德為險為以剛中其於事也為唯生离德為麗為明為文明為大明上离其究也為柔進而上行艮德為止為光明為篤實輝光兌德為說為和為和平其用也為順乎天而應乎人

三易唯周易以乾為首傳文尊乾之意與坤震巽坎离艮兌七卦獨異學易者不可不知也八卦相錯而成六十四凡傳稱卦德乾言健坤言順震言動巽言巽坎言險离言明艮言止兌言說未有直指卦名而言者其曰健而巽巽而止順而巽

動而巽巽而順巽而動巽而耳目聰明止而巽說而巽巽而
說行。虽若直謂之巽然實指卦德之巽非謂巽卦也。盖巽入
也。若以德言可以謂之巽不可謂之入故也。獨乾或在上卦
而得位則傳直以乾言之。其在履曰說而應乎乾在同人曰
柔得位得中而應乎乾又曰利涉大川乾行也。八卦之中唯
乾得直謂之乾它卦無此也。此夫子尊乾之意也。或乾在下
卦則為不得位故傳不稱乾而稱天指乾之象而言也。大有
曰應乎天而時行大畜曰利涉大川應乎天也皆乾在下也
凡傳言剛健自乾卦之外餘卦言剛健者皆下体之乾也。剛忌
大過聖人戒之乾在下卦則未至於過故取其剛在上卦則

已當其極故止取其健傳之命辭其嚴密蓋如此

凡卦德震動巽坎險艮止兌說皆以一字釋之唯乾為健又為剛健坤為順又為柔順離明又為文明蓋三男之卦雖剛而不純乎剛故乾特稱剛健以見純剛之為健而與震坎艮異也三女之卦雖柔而不純乎柔故坤特稱柔順以見純柔之為順而與巽離兌異也離則包柔外而柔為主二剛在外明也一柔貫其中文也故兼言文明也凡離言明主剛而言言文明兼柔德而言

凡傳取卦義固各有所自又各有所主也屯剛柔始交人皆知其為震矣然隨噬嗑復無妄頤益凡六卦內體皆有震皆不

言剛柔始交而特言於屯者以屯繼乾坤之後也故震唯在屯可以言剛柔始交其在隨噬嗑復無妄頤益則不可謂之剛柔始交矣謙地道卑而上行人皆知其為坤矣然師泰臨復明夷升凡六卦上体皆有坤皆不言地道卑而上行而特言於謙者以謙有致益之道也故坤唯在謙可以言卑而上行其在師泰臨復明夷升則不可謂之卑而上行矣八卦皆然可以類推

凡傳言以剛中也者皆謂坎也坎為勞卦曰以云者蓋有用力之意焉其不言以剛中而止言剛中者唯師而已非坎而言剛中者小畜無妄臨萃升兌凡六卦皆止曰剛中而不曰以

剝中也

凡卦有坎而言剝中者皆謂坎得用事也或謂坎無失德也既濟未濟雖有坎而不得用故傳止言柔得中不言剝得中離用事坎不用事此其證也

凡傳言上行者皆謂柔也言柔進而上行者皆謂離也柔當在下今反在上故以上行言之言上行者凡六獨損言其道上行蓋因損下益上而言謂損下益上非道之常而非謂剝不當在上也此亦聖人之微辭也

凡傳言卦德有專言德者有言德而及事者各隨其所用也大畜剝健篤實輝光若此類者專以德

也。蹇見險而能止，鮮動而免乎險。若此類者，雖言乎德，實涉乎事矣。

凡艮止也。兌說也。艮雖為止，然得用則變止為行。大畜上九何天之衢，亨順上九利涉大川，損上九利有攸往是也。兌雖為說，然不得用則變說為憂。臨六三既憂之，無咎。夫上六無号終有凶，萃上六齎咨涕洟，節六三不節，若則嗟若。中孚六三或泣或歌是也。蓋止極必行，說極必憂。考卦德者，又當推其變焉。

凡乾震坎三陽卦處內而艮在外者，皆陽氣得養之卦。蓋艮限於外，陽氣在內則為養。大畜乾在內，故取畜養之義，而曰養。

賢順震在內故取順養之義而曰養正蒙坎在內故取蒙養之義而亦曰養正艮不言養者以內外皆艮為卦剝爻在外故不可言養也餘卦言養者鼎曰養聖賢井曰井養皆以象言非以卦言也

凡乾震坎三陽卦處外而艮在內者皆陽氣失養之卦莫艮限於內陽氣散而在外則失養乾艮成遯柔進消剝進艮成小過柔盛害剝坎艮成蹇剝陷於外

凡坤巽離兌四陰卦處內而艮在外者皆陰柔特盛之卦艮坤為剝艮巽為蠱艮離為賁艮兌為損

凡卦言畜者皆謂乾也小畜巽畜乾大畜艮畜乾陰虛陽實實

故可畜、虛則無可畜也。震坎艮、雖為陽卦、但虛實相雜、非陽之純、故唯乾可施畜也。序卦曰：有無妄、然後可畜、無妄之道、乾道也。

凡傳言見天地之心者、謂震在內也。言天地之情可見者、謂震在外也。言天地萬物之情可見者、非震在外則兌在外也。在內未著、故復曰：復其見天地之心乎。疑辭也。在外已著、故大壯曰：正大而天地之情可見矣。決辭也。動在內為見其心、動於外為見其情。詭於外亦為見其情也。但專言天地者、指其生物之本、而未及於物也。復大壯是也。兼言萬物者、指其物情之所同然者也。咸恒萃是也。所謂生物之本者、元陽之氣。

初發而未雜者也。純則為天地，雜則為萬物矣。三三復以純陰在外，一陽發於內而為天地之心。三三大壯以純陽在內，一陽發於外而為天地之情。其畫皆分而未雜，故屬之天地也。三三咸三三恒三三萃則柔雜居，情偽紛糾，故以天地萬物兼言之也。

凡卦有一卦之主，有成卦之主，一卦之主五也，成卦之主言卦之所由以成者也。如屯初九、蒙九二是也。既為一卦之主，又為成卦之主。如比九五、大有六五是也。或無成卦之主，則止以五為主也。有因象而推其為主者，咸取象於身，九四當心之位，故爻義以四為主，亦變例也。

凡彖辭有先言亨而繼以所為之事者言卦有亨道可以有為也若復亨利有攸往是也有先言所為之事而繼之以亨者卦未能亨必有為而後亨也若大過利有攸往亨是也有專言者言卦之時義也已亨不待有為也若大有元亨是也有卦之時用久未能亨不可為必大善以通之蠱元亨是也有卦有亨道而其事皆善者謙亨君子有終是也有卦之時本元亨道其德足以亨者困亨是也

凡傳不言柔承剛唯柔乘剛則言之不言剛得位止言剛當位或柔得位剛失位剛未得位則言之意若曰柔承剛者常也柔乘剛則僭矣剛得位者常也柔得位則僭矣常事不書唯

僭乃書所以嚴水火之大分也易之義例與春秋等劉氏敬
曰春秋王者之於天下言敗不言敵夷狄之於中國言入不
言勝中國之於夷狄言勝不言戰

凡傳不言應乎柔唯言應乎剛不言柔應唯言剛應不言柔中
而應唯言剛中而應以見柔之不可無剛也其言剛柔應者
謂彼此俱應非謂其得柔之應也遯言剛當位而應而不及
柔者微辭也亦抑陰之義也

凡初四二五三上以剛遇柔以柔遇剛則應或剛遇剛柔遇柔
則不應此爻之正例也或卦唯一剛則柔皆應之卦唯一柔
則剛皆應之亦謂剛柔相應也然爻之情取其相得情相得

雖剛遇剛柔遇柔而亦合、謂之同德同類、但傳文非剛柔不言應、同德同類、雖合而非應也、情不相得、雖剛遇柔、遇剛而不應、如需下三爻、剛志在涉險、故初九不應、六四、小畜下三剛志在上復、故初九亦不應、六四、

凡傳非剛柔不言應、剛柔言應者、多指二五、獨恒未濟兼六位而言耳、或一柔五剛而柔在上、其言應皆以柔為主、在小畜六四、其彖曰、柔得位而上下應之、大有六五、其彖曰、柔得尊位而上下應之、凡此皆為人所應者也、處四五之位則然也、或雖一柔五剛而柔在下、其言應皆以柔為賓、在履六三、其彖曰、說而應乎乾、同人六二、其彖曰、柔得位得乎乾、二爻雖

為卦主然皆應乎人者也處二三之位則然也傳於上下之
辨可謂嚴矣唯剛則不然如師臨升指九二為剛中而應但
槩言上下相應之義而不言應乎柔若蒙九二彖言志應也
則五有應二之誠二無求五之意剛明柔暗以德不以位也
竊又因聖人命辭之例推之小畜六四同人六二皆以柔居陰
謂之得位至大有六五以柔居陽則更其辭曰得尊位其例
異矣一字之間其嚴如此然則後之釋經者可以易乎哉
凡初三五奇數也於位為陽三四上偶數也於位為陰陽主進
五進而在上其位當上卦之中故為剛爻之盛也陰主退二
退而在下其位當下卦之中故二為柔爻之盛也

六畫初二為地、三四為人、五上為天、天數奇、地數偶、人動物、本乎天、其數亦奇、初二雖皆為地、然二陰位、其數偶、得地道之正、故乾以二爻為在田、三四雖皆為人、然三陽位、其數奇、得人道之正、故乾以三爻為在人、乾六爻唯九三稱居子、文言脩美、五上雖皆為天、然五陽位、其數奇、得天道之正、故乾以五爻為在天、

凡傳稱六畫六位、六爻六虛、雖名若相似、然義各有主也、大率畫兼三極、著其體也、爻分四象、明其用也、六畫之所處為六位、位則有常、六爻之所運為六虛、虛則無常、

凡爻初三五屬陽、二四上屬陰、剛居陽、柔居陰、為當位、剛居陰、

柔居陽為不當位、既濟六位皆當、故曰剝柔正而位當也、未濟六位皆不當、故曰雖不當位、剝柔應也、此例之見於傳者也、小象言當位不當位、各爻義例甚明、獨初上若不分剝柔、唯取初終為義者、蓋二三四五以奇偶紀也、故所重者陰陽之辨、初上以本末紀也、故所重者初終之分、義各有主也、案說卦曰、分陰分陽、迭用柔剛、故易六位而成章、以此知說者謂初上不分陰陽非也、又謂初上無位亦非也、需上六以柔居陰、乃獨言不當位、傳意正謂柔不當在上位、以臨乾耳、非謂初上不分陰陽也、乾文言上九貴而無位、正謂剝已亢極、不得中位耳、非謂初上無位也。

凡傳於五言當位者七、履否遯蹇兌中孚節言不當位者二、噬
嗑大壯於四言當位者四、臨賁蹇渙言不當位者七、晉解夫
萃困豐小過於三言不當位者十、履否豫臨噬嗑震兌中
孚未濟獨不言當位於二言當位者一、蹇否辭獨不言不當
位其故何也、蓋陽之位唯三為不中而危、以柔居之、固為不
當位、以剛居之、亦非甚得位者、此以九居三之爻、所以不言
當位也、陰之位唯二為得中而安、以柔居之、固為當位、以剛
居之、亦非甚失位者、此以九居二之爻、所以不言不當位也、
聖人之意、或慮之、或幸之、不一端取也、然二為陰之中位、故
居此者、不言不當位是矣、五為陽之中位、在噬嗑大壯六五

居之。獨言不當位。不得與陰中位。此又何也。蓋大壯為陰消陽盛之卦。六五以柔居陽。又乘四剛之上。柔處非據。在六十。四卦中。無如此爻之甚者。故不當位。言於大壯之六五。以見柔之不可加剛也。然噬嗑六五。非如大壯之乘四剛也。亦曰不當位。何也。曰噬嗑不當位。取其不當位也。君德以剛中為尚。治獄以柔中為美。故曰。雖不當位。利用獄也。蓋予之也。夫六居五者多矣。大壯所以特譏不當位者。罪其乘剛也。噬嗑所以特言不當位而無譏者。取其用柔也。取其用柔者。許以仁恕理獄也。大壯特言不當位。噬嗑特言雖不當位。皆有深旨矣。易有正例。有變例。而非變例。不足以權正例之用。正固。

正而變亦正也。

凡傳言當位得位義各不同。當位者謂剛柔當也。說已見前。得位者謂當位而又得用也。小畜六四同人六二漸渙六四是也。遯九五雖得位而不得時故止曰剛當位而應小過九三雖當位而不得用故曰剛失位而不中。

凡傳言中正者凡十有六。乾曰剛健中正訟曰尚中正也。履曰剛中正。現曰中正以現天下。姤曰剛遇中正。巽曰剛巽乎中正而志行。節曰中正以通。皆謂九五。離曰柔麗乎中正。謂六二。同人曰中正而應。益曰中正有慶。則兼二五而言。其在小象需九五訟九五豫六二晉六二姤九五井九五皆以中正。

釋之凡九居五六居二皆謂之中正其或六居五九居二唯可独言中不可兼言正此易之正例也独乾九二曰龍德而正中者何也曰此書法所以別異其辭也以其正居內卦之中故曰正中而不可言中正也然而比隨巽九五亦曰正中者何曰此以協韻而稱正中也文順音屬不得不然其在它爻未嘗以中正為正中也非協韻而稱正中者唯乾九二而已故不得以比隨巽例言也曰是固然矣艮六五亦中也非正也象傳乃曰中正者何曰此則予之所深疑也嘗試以韻叶之其在六四曰艮其鼻止諸躬也在上九曰敦艮之吉以厚終也則六五當曰艮其輔以正中也如此則與乾九二之

義尤合矣。朱子亦謂此爻當從協韻以正字為義文也。

五陽位之在上者也。四陰位之在上者也。陽主也。陰賓也。故爻以四為賓位。

凡傳言未光者。謂其位足以光。德不能光也。或其德足以光。位不能光也。位足以光而不光者。心有所私也。如屯九五。夬九五。萃九五。是也。咸九四。未光大也。義亦同此。蓋九四當心之位。實威感之主。宜光而不能光也。德足以光而不光者。不當位也。如噬嗑九四是也。若需彖。光亨。履傳。光明則其德位皆足以光也。屯夬萃未光。其病雖同。出於私而隨事不同。故傳文各異其辭。施未光也者。猶言其迹坎潤。独下於二也。志未

光也者所萃惟止於二也中未光也者猶言其迹則是其心未足以暴白而無愧故傳於夬九五独以中言之施易見志虽難見然猶是心之所之未為甚隱唯中未光者為不可測盖挾其隱微以為之戒夫子每揭光字以教人内無不足則明通條達而能光内有所慊則迴互隱伏自失其所以光占者所宜深玩也

凡傳言固有者二無妄九四曰可貞無咎固有之也益六三曰益用凶事固有之也盖可貞非常行之道凶事非常見之事聖人慮人疑其為非遁之常而不之守憚其為非事之常而不敢為故以固有釋之猶曰理固有之勿以可貞為一時之

正而弗守也。事固有之。勿以凶事為遼然之災而弗拯也。如張子房安處叔孫通之下。務辟穀術。裴度晚年優游保身。得可貞之義矣。汲黯持節視河內火。輒發倉賑貧民。得益用凶事之義矣。

凡傳言尚往尚賓。尚大君子尚消息盈虛。行有尚。尚口乃窮義。當如尚忠尚質尚文之尚。或言有可嘉尚者非也。

凡爻止言象言占而不言吉凶者。其例有二。有吉凶甚明而不待言者。有非吉非凶而不言者。泰九二不言吉者。時位德不待言吉而吉可知也。離九四不言凶者。時位德不待言凶而凶可知也。需六四需于血出自穴。此爻理當為凶而時位未

至於凶也。賁初九賁其趾復六四中行独復此二爻理當為吉而時位則未至於吉也。蓋不入於吉則入於凶。固人事之常。但人之所為亦自有上不至乎吉下未至於凶之時。釋者不可以聖人不言吉凶遂強以吉凶推說之也。

凡爻有專主一事者有兼二事而言者。兼二事如遯九三曰係遯有疾厲畜臣妾吉。益六二曰或益之十朋之龜弗克違永貞吉。王用享于帝吉。畜臣妾享帝皆本爻之別占也。

凡爻有直指其占而象在其中者。屯利建侯是也。有但指其象而占在其中者。坤履霜堅冰至是也。案朱子語錄楊道夫問屯利建侯此占恐與乾卦利見大人同例亦是占者與爻相

為賓主也。曰然。但此亦大槩如此。到得時占又看如何。若是
自卜為君者得之。則所謂建侯者乃在己也。若是大臣占立
君者得之。則所謂侯者乃君也。此又看其所遇如何。緣易不
是個細定底文字。所以曰不可為典要。問占者固如此。恐作
易者須有定論日也。只是看一時間見得個意思如何耳。又
潘時舉祿先生曰。易最難看。須識聖人作易之意。且如泰初
九拔茅茹。以其彙。征吉。謂引賢類進也。却不正說引賢類進
而云拔茅如何耶。如此之類。須要商量。某之啓蒙自說得分
曉。時舉退者啓蒙。晚往侍坐。時舉曰。今日看啓蒙。方見得聖
人一部易。皆是假借虛設之辭。蓋緣天下之理。若正說出。便

只作得一件用唯以象言則當卜筮之時者是甚事都未應得如泰初九若正作引賢類進說便只作得引賢類進用唯以拔茅茹之象言之則其他事類皆可應也啓蒙警學篇云理定既實事未尚虛用應始有体該本無便見得易只是虛設之辭看事如何應耳愚謂楊氏問占者固如此作易須有定論皆最善問乃一大議論不可忽也如潘氏言屯利建侯止作建侯用不復可以類推矣占法殊不然也利建侯或人推已或已推人或上之人欲擢一統衆之人無施不可朱子亦謂三家村裏推一人做頭首亦用得也豈以不言象而遂拘於一事耶如胡安定以乾九四為儲貳其弊誠如程子所謂

三百八十四爻、只作三百八十四件事用之、譏然明夷六四五曰箕子之明夷利貞、亦豈曰上个數千百年、唯箕子用得此爻耶、當知凡值內難之難處者、皆可應此爻用此占、上而國下而家、其事其情、類箕子者何限、唯艱難守正則免也、大率占法、雖無所拘、爻義則有所主、先考爻義、次明占法、不可以占法尚圓、遽然袞雜正意、亦不可拘泥正意、終不知臨時用占之法也。

凡大象言君子、言先王、言后、言上、言大人、義各有主也。君子者、通德位而稱之也。或以位言、屯君子以經綸是也。或以德言、蒙君子以果行育德是也。或兼德位而言、蠱君子以振民育德。

是也、先王者謂古有是事後世所宜取法焉者也、后謂有德而得尊位、其事非臣下所得為者也、上唯剝言之曰、上以厚下安宅、此傳之變例也、剝之時、君方失用、不可謂后、君子失時、不可以厚下安宅、則姑謂之上、猶曰、吾有望於上之人云、尔、此聖人待衰世之意、庶幾其能此也、大人唯離言之、亦變例也、剝大柔小、凡彖爻言大人、皆指剝爻之位二五者也、離柔也、而謂之大、蓋離以柔麗剝而明、聖人謂大人、繼明照四方、所以明此為剝者之事、非柔所及也、然傳止言於大象、不言於彖爻者、又所以別剝柔之正例、讀者又不可以不思也、繫辭傳曰、剝柔相易、不可為典要、又曰、初率其辭而揆其方、既

有典常夫不可為典要而有典常有典常而不可為典要此其所以為易也姑以大過言之九二在下既曰老夫九五在上反曰士夫此所謂不可為典要也但九二本非老也比於初六初六既為女妻則九二當為老夫矣九五非亦必也比於上六上六既為老婦則九五當為士夫矣此非既有典常乎又以六十四卦言之內卦以二為中外卦以五為中此所謂既有典常也然益六三六四皆言中行則以一卦之中為中復六四言中行則以五柔之中為中此又非不可為典要乎觸類而長易之凡例亦畧有識矣

周易尚占之法見於古書者唯左氏傳為詳一爻變者凡十五

爻俱变者一、不变者三、言一爻变者、陳厲公生敬仲筮之遇

觀三三之否三三四變六畢萬筮仕於晉遇屯三三之比三三

九屯初變魯成季將生筮之遇大有三三之乾三三大有六晉獻公

筮嫁伯姬於秦遇歸妹三三之睽三三歸妹上六變晉文公將納

王筮之遇大有三三之睽三三大有九魯叔孫穆子之生莊叔

筮之遇明夷三三之謙三三明夷初九變齊崔武子欲取棠姜筮

之遇困三三之大過三三困六變衛孔成子筮立孟縶遇屯三

三之比三三屯初九變魯南蒯將叛筮之遇坤三三之比三三坤六五變

晉趙鞅卜救鄭陽虎筮之遇泰三三之需三三泰六五變是也凡

一爻变者多主本爻之辭以斷吉凶其兼論之卦者独畢萬

晉獻公穆子三占耳、五爻俱變者、魯穆姜覲於東宮、始往而

筮之遇艮三三之隨三三

艮初六九三六四六五上九凡五爻變

是也、姜曰是

於周易曰、隨元亨利貞、無咎、蓋六爻之內、五爻皆變、故不主本卦而以之卦彖辭斷之、不變者、秦伯伐晉、其卦遇蠱三三晉楚遇於鄢陵、晉厲公筮之、其卦遇復三三、衛孔成子筮立元遇屯三三、以示史朝、史朝曰元亨、又何疑焉、是不變者唯以彖辭斷之也、更不有占而泛論卦變者、如鄭公子曼滿與王子伯廖語、欲為卿、伯廖告人曰、無德而貪、其在周易豐三三之離三三弗過之矣、晉師救鄭、聞鄭既及楚平、中行桓子欲還、彘子不可以中軍佐濟、知莊子曰、此師殆哉、周易有之、

在師三三之臨三三曰師出以律否臧凶鄭子大叔告子展
曰楚子將死矣不修其政德而貪昧於諸侯以逞其願欲久
得乎周易有之在復三三之順三三曰迷復凶龍見乎絳魏
弼子問於蔡墨對曰周易有之在乾三三之姤三三曰潛龍
勿用其同人三三曰見龍在田其大有三三曰飛龍在天其
夬三三曰亢龍有悔其坤三三曰見群龍元首吉坤之剝三
三曰龍戰于野此雖泛論卦變亦皆主本爻之繇也案左傳
正義曰易筮皆以變者為占傳之諸筮皆是也若一爻獨變
則得指論此爻遇一爻變以上或二爻或三爻皆變則每爻
義異不知所從則當摠論彖辭愚謂一爻變者固止占本爻

之辭或全卦皆得七八不變則占本卦彖辭或一卦之中有
二爻三爻四爻五爻變者則兼占本卦之卦彖辭全卦九六
俱變則止占之卦彖辭全卦皆九則占乾用九象辭全卦皆
六則占坤用六象辭按朱子答吳斗南書云全卦七八則當
占本卦辭三爻七八則當占兩卦辭全卦九六則當占之卦
辭

周易識蒙

易之精蘊聖人不盡言也不盡言故學者不尽知也不盡知則其於易也狹矣玩辭之久間得一二附之通義則太繁混之黷例則無別作識蒙

伏羲六十四卦列卦氣消長之節限乃天道也邵子詩曰若論先天一事無文王六十四卦明卦運盛衰之反覆乃人事也邵子詩曰後天方要着工夫然言天道則人事在其中言人事則天道在其中初不相離

易以六十四卦該萬古以三百八十四爻括萬事

陰陽氣也剛柔質也其始為氣其終為質也着四營而成易三

易而成爻十有八變而成卦卦爻具則麗於質而謂之剛柔
矣故彖傳象傳皆以剛柔言卦爻不謂之陰陽者蓋造化生
出之序然也爻言陰陽者唯乾初九坤初六卦言陰陽者唯
泰否而已蓋乾初九為百九十二剛爻之最先故特以陽言
之而曰陽在下也陽進至三則闢而成泰泰當天地交通之
時交通則純乎氣故曰內陽而外陰坤初六為百九十二柔
爻之最先故亦以陰言之而曰陰始凝也陰積至三則闔而成
否否當既交之餘其氣將閉而成質故無言陰陽繼言剛柔
咸恒為下經之首有感應相與之義但雷風氣也山澤質也
恒可言雷風相與咸不可言山澤相與故特曰二氣感應以相

與所以見質不能感而氣感也然曰二氣云者但以山澤之氣而謂之二氣所以別其非乾陽坤陰之純氣以見咸與泰否異也傳文之例可謂嚴矣

陰雖虛納于陽位稱實如坤六三是也京房傳云陰雖柔據乎

陽位為剛如履六三是也故曰分陰分陽迭用柔剛

震坎艮以剛成卦故三卦皆以剛為主巽兌雖以柔成卦然皆不以柔為主巽主九五兌言剛中而柔外但合卦體以言兌之全惠亦不主上六也獨離以六二六五為主謂其得中位也凡六十四卦苟以剛成卦無不以剛為主以柔成卦苟不得中位皆不以柔為主柔不得中位而為主者唯小畜六四

為然、然實依九五而志行也

易兼德位時義以成吉凶、大壯四剛、然唯外之一剛當動、內之三剛不當動也、此兼德位時義以成吉凶也、夬五剛外之二剛既有所說而不盡、夬決之責、內之三剛九二為主、故夬決之責、二宜當之、此先時義、次德位以成吉凶也、凡易之道、或主德位、或主時義、或兼德位時義、

乾健坤順、此剛柔性情之正也、及其為動、為陷、為止、為入、為麗、為說、則交物而情之變生、然情有變、性不變、剛在下則動、不苟屈也、在中則陷、不苟容也、在上則止、不苟得也、蓋剛之性也、柔在下則入而安其屈、在中則麗以覲其容、在上則說而

樂其得蓋柔之性然也

陽動陰靜、動者為剝、剝之所遇多險、靜者為柔、柔之所遇多易、故陽確然而勞、陰頽然而安、陽在下則震而欲出、陰在下則巽而欲入、陽在陰中則不相得而陷、陰在陽中則相麗而明、陽居陰上則知止而止、陰據陽上則得意而說、此八卦之情也、是以君子之行世、其所遇者多不得志、小人行世、其所遇者多得志、其淑慝之分乎、嘗疑古今天下治日少、亂日多、君子常少、小人常多、其故何也、蓋陽統造化之權、其屬為善、陰主造化之事、其屬為慝、論造化之權、雖陽用全而陰用半、至論造化之事、則陽用半而陰用全、動靜健順、始終生成、觀於

乾坤二卦、則知陽全陰半之常經矣。治乱邪正、陰陽美惡、現於六十二卦、則知陽半陰全之通義矣。邵子亦曰、陰事太半、意猶此也。

氣由中起、故萬物萬事皆生於心。坎陽中也、陽為實、實者心之真體也。離陰中也、陰為虛、虛者心之外體也。但起於陽中者、日趨於息、起於陰中者、日趨於消。故心雖屬然、經獨於坎言心亨者、取其陽、不取其陰也。

坎離中爻、皆中正也。但劉易失中、故坎言剝中、柔易失正、故離言麗正。此以卦體言也。以卦方位言之、坎當萬物未肇之時、謂之中、則有發之意。離當萬物已亨之後、謂之正、則有固之意。

萬物出則趨上入則趨下自震而離趨上而信也自兌而坎趨下而屈也故曰離也者明也萬物皆相見南方之卦也趨上之謂也又曰坎者水也萬物之所歸也趨下之謂也

坎曰有孚維心亨以一剛而陷於二柔一搖于中則流於惡矣不可不信乎離曰利貞亨以一柔而麗二剛一狗乎外則炎於欲矣可不正乎

復雷伏於內陰氣盡散而在外此長之始也姤風作於內陽氣盡散而在外此消之始也

陽長至三既成乾矣豈不謂之泰陰長至三既成坤矣豈不謂之否姤遯否觀剝陽之消也復臨泰大壯夬陰之消也然陰

陽之運不能頓然遽消。就其浸消之中。又自有亨通時也。自
始而剝。雖皆為陰消陽。然觀當其間。卦有艮體。實陽道少安
之時。艮止也。故九五最為得用。初二三四皆順而服之。自復
至夬。雖皆為陽消陰。然大壯處其間。卦有兌體。實陰道少安
之時。兌誥也。故六五上六皆允。凶。初二三四反不全吉。此氣
候之精微也。其在世運。則衰亂中之少康。安泰中之少微。其
在時序。則氣將寒而反燠。天欲曙而更暗。皆此理也。

剝雖繫為五柔。剝一剛。然六三應剝。六五承剝。二柔實非為剝
者也。故象辭於三曰剝之無咎。於五曰貫魚以宮人寵。無不
利。皆嘉之也。夬雖繫為五剛。決一柔。然九三應柔。九四附柔。

九五比柔皆非為夬者也故象辭於三日獨行遇雨於四曰聞言不信於五曰中行無咎傳釋之曰中未光也皆戒之也嘗竊歎剝有五柔其不害剝者僅二柔而已夬有五剝其三剝已有所私矣大率小人之附君子者少君子中之私小人者多

復一剝臨二剝剝長至二已得中位可以正君故彖傳曰剝中而應自臨以後則陽勝陰之勢判泰三剝大壯四剝夬五剝不復言應矣始一柔遯二柔柔長至二雖已得位然勝負未分柔猶奉剝故彖傳曰剝當位而應自遯以後則陰勝陽之勢判否三柔觀四四柔剝五柔不復言應矣故陰陽消長之

卦唯臨遯言應也

臨二剛長遯二柔長雖剛柔之用不同其勢一也臨以剛迫柔
凡迹於剛者皆不吉漸遠則吉矣六三無攸利六四無咎六
五吉上六則吉而無咎皆取其遠也遯以柔迫剛凡柔迹於
柔者皆不吉漸遠則吉矣九三有疾厲九四居子吉小人否
九五貞吉上九則肥遯無不利亦取其遠也

剛為實物至八月而成實可現故於卦為現二剛在上至九月
而剝落僅存一剛在上故於卦為剝現剝各卦兼卦盡卦時
而取之也

剝碩果不食九月之卦也姤以杞包瓜五月之卦也

陽一陰二乾君子之學唯言誠一也坤君子之學兼言敬義敬義夾持而德不孤二也

陽舒陰歛比以一剛統五柔故曰顯比王用三驅失前禽邑人不誡吉陽之舒也大有以一柔統五剛故曰厥孚交如威如吉陰之歛也家人上九亦言威如此巽剛處家之道質雖不同而德則一

陽善陰惡師以一剛統五柔而在下惡者多故象辭戒之曰小人勿用同人以一柔同五剛而在下善者多故象辭喜之曰利君子貞

陽主生陰主成咸當感通之始故曰感天地感而萬物化生陽

之屬也。恒明常久之道。故曰四時變化而能久成。又曰聖人
久於其道而天下化成。陰之屬也。此以少長反對分陰陽也。
它卦言成者皆夏秋冬之卦也。故離言天下化成。資言化成。
天下革言天地而四時成。

剝主創業。柔主守成。乾坤之後屯蒙需訟師比皆以剝為主也。
比坎創業之卦也。大有離守成之卦也。

西北用武。東南守文。比坎革兌皆西北得用之卦。用武者也大。
有離晉鼎皆東南得用之卦。守文者小。

泰交也。非感也。咸感也。非交也。交固有感之意。但卦義則以交
為主也。感固有交之意。但卦義則以感為主也。所以然者何。

也。交屬陽其氣舒以達，感屬陰其氣密以固。若混然無別，則卦義失矣。

小往大來而成泰，以小本在下，大本在上也。故為泰。柔上剛下而成咸，以柔本在下，剛本在上也。故為咸。

泰否損益皆為三奇三偶之卦，但泰否自乾坤來，是為純體之合。陰陽無虧，其氣但有通塞而已。損益自咸恒來，是為合體之變。剛柔相摩，其質蓋有盈虧焉。合而言之，則泰否陽也，損益陰也。分而言之，則泰陽而否陰，益陽而損陰也。然則大過為上經之卦，小過為下經之卦，陰陽之序蓋益以明矣。

天地唯以生物為事，但其氣有陰陽之分，而唯陽能生也。然陽

必來而在內、與反而在下者能生、或往而在外、與止而在上者又不能生也。乾坤之合為泰否、陽來而在內也、否者陽往而在外也、咸恒之變為益損、損者陽止而在上也、益者陽反而在下也。

以陽從陰、氣之感也。既感則陰氣下降而成損矣、以陰從陽、分之常也。能常則陽氣下降而成益矣。故澤山為咸、而山澤為損、雷風為恒、而風雷為益。

易於泰否言道、損益言時、泰否道也、損益時也。

上經中於泰否、下經中於損益、以卦而言、則泰者必否、氣運之先後也。人事亦然損者必益、人事之終始也。化機亦然以爻而言、泰上

六為泰極而否否上九為否極而泰損上九為損極而益益上九為益極而損又一卦之氣運人事之終始也

上天下澤而為禮雷出地奮而為樂礼絲陰作故履以陰為主兌之一柔柔和而不越乎上礼之象也樂絲陽来故豫以陽為主震之一剛發揚而不可掩乎外樂之象也礼屈而樂信剛柔之位也礼欽而樂舒陰陽之情也

需乾下坎上蹇艮下坎上皆為險在前需剛健而不陷故傳取其須蹇見險而能止故傳美其知二卦畧同但乾健也健者必為不過需以待之爻則涉矣故為需止者不為則終於来反而已故為蹇

需晉文義畧同。需上坎下乾九五需于酒食貞吉志在俟乾之
來。晉上离下坤六五往吉元不利志在接坤之進。二卦皆取同
德相合不取剋柔相應。需六四猶晉九四也介在上下之衝故
其勢危。需上六猶晉上九也僻在不爭之地故勢虽安而不
受禍。但需險而晉安者坎离之情偏不同故也。

屯難之世聖人惟恐君尊己而不知有民故取初九為主而不
取九五萃聚之世聖人惟恐民附臣而不知有君故取九五
為主而不取九四皆時義也。

先儒言無妄動卦也而宜於靜大畜止卦也而利於行愚謂無
妄先動後靜初九無妄往吉六二利有攸往自二爻之外餘

爻皆宜於靜矣動者必靜也大畜先止後行初九有厲利已
九二輿說輻自二剛爻之外三上皆利於行矣止者必行也
小畜畜極而處大畜畜極而通剛柔之異用也大過剛過而比
柔小過柔過而害剛剛柔之異情也

大過天下之勢偏重如棟之撓而莫能扶危國之證也小過天
下之勢兩輕如鳥之飛而不知所屆攘國之證也

易窮則變需極必涉否極必傾畜極必通睽極必合蹇極必濟
困極必吉皆於卦終見之然屯之極宜亨者也上六乃不能
亨者屯之得用已在初九故也未濟之極宜濟者也上九乃
不能濟者未濟之得用已在六五故也屯以震為主震用在

下未濟以離為主、離用在中、觀易者又當通其變焉、
順而麗乎大明、此晉之居也、止而麗乎明、此旅之居也、

世之盛也、天道在北、北治而南受其福、世之降也、天道在南、南
治而北致其仇、卦運終於既濟未濟、皆離吉而坎凶、此天道
在南之時也、

泰否咸恒損益既濟未濟此八卦者、八卦之用、而四十八卦之經
領也、故象辭彖傳於各卦皆對言坤、它卦自乾之外、命辭之
例皆不取其對矣、此聖人之深意、經雖無文而義可見也、

乾坤坎離反之不變、震艮巽兌反之皆變、然乾坤坎離合之則
變、泰否既濟未濟是也、震艮巽兌合則不變、頤小過大過中

乎是也。順小過均之為震艮之合。然順安而小過危也。大過中孚均之為巽兌之合。然中孚安而大過危也。是何也。陽包陰外則勢安。陽陷陰中則勢危。是以離麗而坎險也。

陰陽之氣。自有聲而有象。有形雷風聲而已。未有象也。水火象形之間也。山澤則滯於形而不可變。此造化流出之序也。

三者造化之出機。三者造化之入機。雷之為性。雖重陰固閉。皆奮動而欲出。所以散陰氣也。風之為性。雖重剛止禦。皆飄揚而欲入。所以散陽氣也。陰氣不開。必待於雷。陽氣不舒。必待於風。

氣非形不固、凡高山大澤皆天地感通之蹊隧、三山通天之氣、
以下接於地、艮七 坤八三澤通地之氣、以上蒸乎天、乾一 兌二茲二者、
留實柔虛之分也、

剝土生物、柔土成物、艮剝土也、坤柔土也、

乾下而索坤、是為天交地而生震、坎艮以象言之、陽出地下為
雷、陽陷地中為水、陽止地上為山、坤上而索乾、是為地交天
而生巽、離兌以象言之、陰行天下為風、陰麗天中為火、陰蒸
天上為澤、今掘地則見水、此坎之象、天裂則見火、此離之象、
山陽之上凝者也、澤陰之上浮者也、人處地上、故以山為高、
澤為卑、即所見而言、

乾坤坎離震艮兌巽稱八純卦乾純剛坤純柔在八純卦中又
純之純者也純剛純柔與剛柔雜者爻之義例各自不同乾
六爻初潛二見三惕四躍五飛上亢但以明聖人時位所值
之不同非謂有此六人者相為出處也坤六爻二三四五皆
明賢人之時位而以初上明卦氣之始終以為陽告亦非謂
有此六人者相為對待也至如它卦則一爻自為一人之象
蓋剛柔相雜然後愛惡相攻於是始有應比承乘遠近离合
推盪糾紛而人事亦從是而衆矣

乾元亨利貞在道為元亨利貞在時為春夏秋冬在性為仁義
禮智元主春生故仁為德先而愛物亨主夏長故禮取文明

而備物利主秋成故義貴裁制而各宜貞主冬藏故智在藏
用以成功然義利之辨不同而在天爲利在人爲義何也蓋
利之得各本以天道善利萬物而謂之利也義之得各以天
以利之德賦於人以其善裁萬事各得其利而謂之義也故
曰利者義之和也曰利云者乃萬物同嗜乎義分而不乖者
也利即是義凡不利於人者即是不義故曰利物足以和義
繫辭傳言耒耜之利舟楫之利服牛乘馬曰杵弧矢皆以利
言古之所謂利者蓋如此自後世誤以利爲利己之利於是
利義之說分矣孟子曰何必曰利董子曰正其誼不謀其利
非古也自後世之見而言也或曰利主利物義主裁制非也

利字從未從刀自具裁制之意萬物生於春長於夏皆為勞而未就之時唯有以裁之然後各遂其所成所謂利也若常生常長無所裁制則所泄大矣豈利也哉

坤為十月純陰無陽之卦然是月也草木皆再榮謂之小春此新陽初生之驗

坤為衆師比萃雖以剛為主然實以坤成卦

需六四猶小畜六四也需曰需于血出自穴小畜曰有孚血去惕出象亦畧同但小畜六四孚於九五故藉五之力以制乾而終成其畜需九五下與乾孚不與四孚四不得居故不足以拒乾之進是以小畜上爻言既雨既處君子征凶者乾不

得進也。需上爻言入于穴有不速之客三人來者。乾得進也。
又小畜巽也以柔巽剛得用柔之道者也。需陷也以柔陷剛
失奉剛之道者也。

師殺伐之卦。聖人不得已而用之。然不可廢也。九二將師者也。
剛易太過。故彖辭以中為美。六五命將出師者也。柔易不及。
故象辭以執為利。

物忌太盛。剛得位無如比之盛。然比之後即繼以小畜矣。故曰
此柔得位之始也。

小畜上下五剛。虽均為六四所畜。而情有逆順之不同。蓋揔論
全卦之體。則以巽畜乾為柔。乘剛義主於制。而剛柔之情不

順專論上卦之體則以六四畜九五上九為柔乘剛、同體相合而剛柔之情順乘而畜與承而畜者情有間矣、四能承五上而畜之、同體既合則蔑不濟矣、是以乾為所制也、但小畜之柔止欲制剛、使為己用、非有心害剛、如否剝之柔也、故彖辭未憂柔之為害、猶以亨許之、至於密雲不雨、自我西郊、又因以明剛柔之大分、不尽以許柔矣、否剝之柔有黨、小畜柔雖得位而無黨、猶小人處上以柔巽畜其君、又藉君之力以畜下之君子、故其事亦止於牽制牢籠之術而已、初九九二在卦之初、四之畜道未成、猶可進也、小畜之終、四之權勢固矣、當此之時、為君子者、全身避害、不受其駕馭可也、若銳意

直前激禍必矣象辭憂之故有月幾望君子征凶之戒

泰雖以陽在內而泰否雖以陰在內而否然其机括皆係於五也泰六五下應九二得帝乙歸妹之義否九五不與二應存其亡其亡之戒陽所以得成其泰陰所以不得終其否二卦之君實有力焉以是知君子雖在內必得君而後可為小人雖在內苟不得君則其事尚可為也

泰三陰皆小人也然位有不同故情偽亦異六四當泰之將變有背君子之心上六當泰之已毀有害君子之心唯六五居中下應有順君子之心

物忌過盛盛極末有不衰者獨大有以五剛共事柔中文明之

君、君子衆多、故其終尤吉。得賢之效遠矣。上九一爻、但據卦終取義、而尚賢之象自隱然於其中也。下之四剛皆任大用之事者、然以剛事柔、其道極難、自非明主、則功多者未必不見忌、才高者未必不遭忤、故初九、九三、九四象皆遇戒、斷辭亦僅止於無咎而已。

謙陰有餘、陽不足之卦也。陽貴、陰賤、陽能退止、以貴下賤、不尚其剛、故陰反順之、德之至也。卦體與履畧同、履以六三主五、剛謙以九三統五柔、皆位上卦之下、故履謙皆取義於礼者、為比也。但履以柔履剛、志在於進、期以禮服人者也。欲服人、故人不悅、咥人之凶、乃其自致。謙以剛下柔、志在於退、期以

禮下人者也。自下故人高之。是以衆柔在下而同體者皆化而爲謙。初六六二是也。在上而相比者亦不違乎謙。六四是也。六五上六皆柔居高位。靜極而動。有攻伐之象。馬又不純乎謙矣。陰盛故也。其曰不富以其隣。與泰六四象辭實同。皆上體之坤也。陰之情狀。槩可知矣。

蠱非極亂大壞之卦也。但弊事委積不振而已。古今天下未有無事之時。前人不事事。則後人不勝其多事。故序卦曰蠱者事也。事則當幹。壞則宜革。易於蠱言幹父。不過高宗宣王之事。^六於革言改命。非湯武不能及矣。^五治蠱之道。不待極力改作。六爻之才。貴在適中。九二以剛居陰。非過剛者。六五以

柔居陽、非過柔者、故二爻皆有能幹之美、初六亦柔中有剛、故占虽厲而終吉、九三傷於過剛、故能幹而有悔、惟六四以柔居陰、為過於柔、故不能幹而有裕、蓋之吝、

現、爾雅云闕也、門闕以通行路、而現在雉門之兩旁、古者懸治象之法、使民觀之之處也、故謂之觀、艮為門闕、現有艮象、竊疑各卦之義、實出於此、觀與庙疑不甚相遠、禮運曰、昔者仲尼與於蜡、賓事畢、出遊於觀之上、是也、漢韋玄成曰、禮庙在大門之內、豕韞現、盥而不薦、疑亦出於此、畧著其說、以俟洽前、又按漢董仲舒傳、武帝制曰、周室說兩觀、如是則兩觀始於周時、文王演易、尚末不詳有觀名、古事遠邈、更攷、

天下之理、唯有其實則可觀、無其實則不足觀、卦以二剛在上、四柔在下、剛實顯著、無蔽之者、此其所以可觀也。以事言之、盟致嚴潔之意、祭之初也、薦致煩縉之儀、祭之文也。聖人懼後世外事於文、以為觀、故曰觀盟而不薦、有孚顒若、言精誠之至、當盟手之初、人之觀之、已自翕然顒仰、忽不自知其孚誠之發矣。蓋有其實、故感易而化速、非謂有盟而無薦也。若曰止於盟手、無事乎薦、則不成祭矣。

頤取頤口之象、最為精切。頤在外而實、上下二剛也。口在內而虛、中四柔也。人之求實者、求實其口爾、非求實其頤也。此剛實柔虛之象、近取諸身而最可驗者也。

大過之世、剛者敗之、柔者墜之、唯剛而中者可為也、然剛貴中、中貴時、九二幾於得中、得時矣、而不能大有所為者、近無與而遠無應也、

坎五得位、二不得位、又五之陷淺、二之陷深、故五得用、離二得位、五不得位、又二之明長、五之明短、故二得用、坎五得用而六四附之、故四柔爻唯初為無咎、坎九二畧似離六五、坎初六畧似離九四、坎六三畧似離上九、坎上六畧似離九三、

坎雖剛陷於柔然、剛為柔主、陽貞於內、剛將盛矣、故四柔爻自六四附九五之外、餘爻皆凶者、柔將退之象也、離雖柔麗於

十六
剛然柔為剛主陽散於外柔將盛矣故四剛爻自初九附六
二之外餘爻皆凶者剛將退之象也但柔麗剛者事之常剛
陷柔者事之變故二卦有陰陽之分坎二五僅言小得無咎
離二五則言吉言元吉勢有不同故也

習坎有孚維心亨外物陷人必先其人心習坎君子身陷而
心不為之陷故終足以出險

坎有二義藏也生也陽陷陰中為藏陽發陰中為生藏者屈也
生者信也純柔為坤至陰寂寂陽不陷焉則無以發其機故
屈之者乃所以信之也造化之貞與人心之智未有不因屈
以為信者使直遂焉則不能為信矣

八純卦獨坎加習坎蓋下坎方陷而在下藏之藏者也上坎雖陷而已平藏之生者也人身右腎曰牝牝以納液其下坎之謂乎左腎曰玄玄以升氣其上坎之謂乎

坎一陽在內二陰在外蓋陽為陰閉則蒸而成雨

離以柔為主故二五皆吉但下離為離之得用上離非離之得用故卦主六二言之而以内三爻脩離明之体外三爻著離炎之害初九曰履錯然者明之始也六二曰黃離者明之中也九三曰日昃之離者明之過也皆以明取象也九四最逼下離故有焚如之災六五雖逼而處中故止涕沱之戚上九處炎之極故有折首之禍皆以火取象也明發於下故自初

而中中而異皆為循序以進火炎而上故九四六五上九皆有無所容之象

咸而感者心也恒而久者道也咸主心九四實當心之位感之主也恒主道九二有剛中之德恒之盛者也但二爻俱不當位不能尽咸恒之德故斷辭僅言悔亡而已

咸雖以感為義然六爻唯貞則吉不貞而欲動者皆不利也初六咸拇所感尚淺故凶悔吝未著六二有咸腓之凶九三有執随之吝上六有滕口之戒雖九五咸脢亦止為無悔而已唯九四以能貞而吉但憧憧往來猶未忘情於動故未光大恒久也道而至於可久非極天下之尽善不能易之尽善未有

踰於中且正也。恒六爻初六過巽昧於時義自以固守為恒。九三九四剛不中正皆不能恒。上六震極又動而亂恒處得其中者唯九二六五而已。然皆中而不正亦非可恒之道。故六爻皆不能盡善。但據二五德位優劣而言。二臣也以剛中為恒猶未害也。五君也而以柔中為恒可乎。故有夫子凶之戒。它卦如蒙九二大有六五皆以剛中柔中當一卦之用。未為不善。唯在恒之時則不可。

恒明夫婦之終。風必從雷造化終古而不易。婦必從夫。人理終身而不變。先天之次震四巽五。後天之位震東巽南。此理氣數之必然。不待安排而莫不皆合也。

晉升漸名卦之義雖皆主於進然而巽巽為漸巽而順為升順而麗明為晉其進之義則各不同漸卦變三進為四所進不過一位漸之義也升自初六進至六五而升階進極於上升之義也晉離明出地而麗天一柔獨進雖體屬乎陰而德兼乎陽其進也非以漸其升也不以階蓋純乎其為進者故為晉三卦之義蓋不可毫厘差也或問三卦皆以柔為主六十四卦獨於柔言進何也曰剛主進柔主退此常理也出於常者不待言故剛言退不言進柔言進不言退需蹇困剛之退也晉升漸柔之進也

損二簋可用亨損下卦本有三剛今損一剛而之上二剛在下

二簋之象雖損一剛然二剛尚可用也

益六爻自上九不能為益之外餘五爻皆致益者也六三六四非得用者其曰益用凶事利用遷國則止為一事之益初九利用大作則不可以一事指定其為益也大矣六二則資初九之助以益人此四爻皆任益之事也蓋益之用在下九五在上但主之而已故曰有孚惠心獨上九有剛德而不務益下時義俱失故有或擊之凶

益以動為德故彖辭首言利有攸往涉大川皆震主之也益物之道非頽然自安者所能唯念念奮發不敢少康則益道行矣初九利用大作六三益之用凶事六四利用為依遷國皆

取其動也

頤與益雖皆以剛為主但頤養也靜者能養動者失養故其用在艮益益也動者能益靜者不能益故其用在震

姤一柔經以女禍當之自遯至剝而柔益衆經以小人之禍當之女禍生而後小人至古事多然不可不思也

井六爻皆靜故無凶

革六爻不取承應但以時位取義初九居革之始未可以革六二得中可以革矣爻柔故勉之以征九三過剛而不中故以征為戒然位處下卦之極若退而不為禍亦及之故征則凶而貞亦厲時位最為難處大要在詳審之而已此下三爻之

序也九四已進上卦不復言革但言改命而已已日乃革革
言三就者謀革也改命者已革也剛至五而升君位既改命
矣威德赫然天下欽服故為虎變之象革而改改而變其序
然也上六在五之後不可復革但為事五者而已大率真主
既出人思自奮自非至愚莫不策勵使資本君子耶當豹變
以依風虎之會本小人邪亦當革面以奉風虎之威爰兼此
象故對出之以為占者告諸家或以為九三非也

艮其背背在身之北居上處後而靜者也耳目口鼻手足皆致
用於前無預於背故不獲其身也

豐九四以劓居陰象辭曰豐其蔀蔀小席也非所以為飾也自

蔽而已居陰之象也九三志應上六象辭曰豐其沛沛旗旐
之下垂者也所以為飾也慕人之豐而趨焉不悟為其所蔽
也應柔之象也三蓋有羨慕之心焉九四之闇自其資耳資
闇有時而覺遇夷主則吉行矣心慕乎上者入于闇而忽不
自知者也則終至於折肱而已以楊雄之賢嚴尤之才而猶
不免況其下者乎

旅以柔為主非有為之卦也可以有為者唯九四而已然才有
餘位不足此卦所以成旅也故曰旅于處得其資谷我心不
快蓋志士寒臣以枕戈待旦為心以燕安鴆毒為戒故不處
于旅而旅于處也然才弱主弱抱志弗售鬱鬱不得展故其

心不得快也。祖述岳飛之事，是已。江東之業，所以止於旅者，有繇哉。旅，繼豐之後。豐者，天下泰大，而將裂之時。旅者，天下既裂，而羈處偏方之時也。崇寧大觀間，群臣上下，忽唱為豐亨豫大之說，豐沛鄩屋，無復遠慮。天下遂裂為南北。此豐變旅之驗也。

渙與解異。解，承蹇後曰解云者，謂解散天下之蹇也。渙者，人心离散，宜收而聚之也。解欲其散，渙慮其散。

夫子釋彖有釋其大畧者，如屯卦是也。有逐句各釋者，如蒙卦是也。大率文王即卦內之象，揔言之，以為玩占者告。夫子分卦下之，占別言之，以為玩象者告。讀易者，能以是意求之，庶

乎得夫子之意以通文王之意矣

凡傳於彖辭無不釋者於象辭或釋或不釋最宜深玩泰九二
包荒用馮河不遐遺朋亡得尚于中行傳釋之曰包荒得尚
于中行以光大也若此類者約文也恒九二不恒其德無所
容也若此類者亦約文也蒙九二包蒙吉納婦吉子克家傳
釋之曰子克家剛柔接也若此類者非約文也指其所重者
而言也

卦爻有喜幸之辭有設戒之辭然喜幸至少大抵多設戒也然
戒亦多術其象占一定而不可易者則直指其事以戒如乾
初九潛龍勿用師六三師或輿尸凶比後夫凶是也或吉凶

未定而可易者則兩致其辭以戒如屯六三即鹿無虞惟入
于林中君子幾不如舍往吝師初六師出以律臧否凶需九
三自我致戎敬慎不敗也是也然實又有是象故聖人因以
寓戒非虛設是辭以戒之也屯六三震体居陽非純乎柔闇
者有轉吝為悔之資師初六當師之初勝負之形未分以律
則吉不臧則凶需九三雖需泥致戎然又有需馬未陷於險
故能慎則亦不致於敗易所以寓戒者謂其時其事猶可為
故也其時其事苟皆不可為則聖人不復為此兩端之說矣
如噬嗑上六何故臧耳凶坎上六係用徽纆寘于叢棘三歲
不得凶是也故直指其事以戒者戒也兩致其辭以戒者亦

戒也直言其凶、無復有戒者、亦所以戒之也。近世儒先不考聖人本文以立象、本象以命辭、而槩以為垂戒、不特混然無別、反併聖人寓戒之意失之。獨程子論泰九二為將中知戒、則可保、六四過中而理必變、可謂深識聖人之微意矣。

禮記經解篇曰：易曰：君子慎始，差始毫厘，繆以千里。正義曰：此易繫辭文也。今繫辭傳乃無之，而載於易緯，竊疑此文當屬上繫中孚九二辭義，細味可見也。